



Seú pa mundu

Jamal Adriana

seú ke yega mundu Lòs e pe yega ayá
seú tin kos na punt'i lenga
Lòs e p'e
den grandi e ke bai, henter mundu e ke konkistá
Seú sin limitashon rònt mundu pone atenshon
un mushi di seú riba kunuku
granito di esfuerso ansestral
ku seú ta yama danki, pidi forsa,
deshogá dolo'i mi tera
ku tur honor pa nos seu
awe hóbennan ta bai hib'é
Den e plenonan mas haltu
pa rònt mundu rekonosé nos fiest'i seú
E Ritmo ta e kompas, los e lag'e bai
tende ritmo zona
tende ritmo yanga bai den kaya
mira hende baila gosa
tarima i desfile den kaya

koro: Lòs e pe bai, lòs e p'e bai
Koro: Lòs e pe bai, lòs e p'e bai
Koro: bai bai bai habri hala topa mundu
Koro: n'abo mi tei dediká
Koro: seú
Koro: haltu
koro: seú pa mundu e ta,
dunku dun dun dun tan tan
koro: Lag'e bai bai topa mundu
koro: Run dunku dun dun seú pa mundu



He, dal e sera awo
zone ritmo awo
wapa mi pueblo wapa
gosa mi pueblo gosa
mundu ke mir'é

Koro: pa mundu

ban ban kompartié
fir e lag'é bai
bai bai bai bai bria ayaa

Ohoo
seú tei bria
pa mundu mira
na su punt'i lenga
e tin kos di bisa
Avochi ke papia komuniká ku mundu
Na idioma di gueni, djawe na welo,
unle minawa, Ata zjeman te drai,
laga kos bon soso, E ritmo di goso,
ritmo pa gradisí

Koro: Bai bria ayá

He seú ke papia
Pa mundu tende
Pa mundu mira
herensia di mi pueblo

di kunuku pa kaya 2x
di kaya pa mundu

bin wapa pa mundu mira
bin koncha pa mundu mira

Koro: ki bo tin aden, wap'é
Koro: ki bo tin aden, konch'é

para mira mundu imité

mira Tanzania
mira ayá na China

koro: Nan ta wap'é
koro: Nan ta konch'é



Asta merikanonan
mira na Oropa

koro: rugungutantantan nan ta tok'é
koro: Nan ta wap'é

ayá na australia
Asta e afrikanonan

koro: Nan ta konch'é
koro: rugungu tantantan nan ta tok'é

runkutun – tankatan
runkutun – tankatan
runkutun – tankatan

rungudun gundun tan tan tan tan awe seú a topa mundu!

Splikashon di palabra i konsepto ménos konosí:

Un mushi:

Un mushi ta nifiká un tiki, manera por ehèmpel un kèlki yena na mitar. Antes grandinan tabata bisa bo tin un mushi di zeta pa mi. Mushi semper ta un supstansia líkido pero un tiki di dje. Otro ehèmpel ta ròm den un gobi, un tiki ròm den e gobi ei nan ta bisa un mushi di ròm. Den e seú akí ta usa esaki di forma figurativo pa indiká ku ta bai duna mundu un tiki, un poko, un granito di nos seú.

Avochi:

Avochi ta otro palabra pa anestro i antepasado, grandinan ku ya a bai laga nos.

Zjeman ten dre:

Ta nifiká mantené i sostené, esaki ta pará riba vários eskudo.

Djawe na Welo:

Pone man na obra pa hasi e trabou.

Unle minawa:

Tin diferente nifikashon, unu ta parto kaminda un muhé ta duna lus, i un otro nifikashon ta e amor espresá na un muhé.

Den e kaso di e seú akí ta usa e ekspreshon akí komo un amor dediká na mundu komo nos tur su mama